

秘書集成
2

卷之四

本卷內所載人物其籍貫皆以本

本卷內收入《修真辯難前后編》、《悟真直指》、《青天歌》、《心印妙經》
等古籍四種。

修真辯難前後編

參真錄前四卷

序

羲黃道渺。厥旨幽深。火記六百篇。淪作趨避塵事而設。東漢魏伯陽真人出。準易精義。著爲參同契。徐從事等從而箋註之。黃老丹學乃彰。漢晉以來。得其粗。而遺其精。流爲採取旁術。禍延至今。棲雲山悟元子。姓劉。名一明。以儒入道。博覽羣書。數十年窮理盡性。由參悟透入三易。著書一十三函。而易居其四。道德經會要一函。參悟直指一函。西遊原指四函。指南針一函。會心集一函。指南三書共一函。知其名。未見其書。今春正月。新安鮑生。名蘭浦。字淦亭。號崑峯。派名陽用。從事

玄學久矣。孔君昭璞。授之書。交採抽添結圓之旨。行承亦有日。以余曾遇至人。折節事余。幾六年也。至日。乃以悟元子著修真辯難全編。印證於余。始得反覆探討。書爲湖北長春觀主崔名教淳律師募梓。悟元子全書之一。上下共二卷。上有崔序。序言是書前編。言簡義該。意在學者。先識正途。不致惑於淫辭邪說。誤入旁門外道。以害性命大事。是故言愈淺近。則道愈顯明。雖略讀書。粗識字義。皆可尋踪而入。由淺及深。最爲初學切要之書。崔知論及此。故能發願。首刻是書。續爲盡刻所著。乃爲圓願。崔之護道傳宗。此功此德。倍於悟元。

子矣。不有崔刻。何由廣佈。他日得是書。而因入正宗者。劉則度師。而崔乃引進者矣。不知頂禮。而閱是書。必是妄人也。要知是書得成。乃由讀破萬卷而來者。則其所著三易等書。不有數十年苦學。斷難發泄者也。然卽是書而論。惟於玄關一竅。致開功訣。未備。則於虛空大交大媾。從何入手。所謂坤方不死之人。從何會面乎。如是。則全部無用矣。余感作者刻者。一片婆心。千古一遇奇緣。余既有所聞。淦亭請問甚懇。不敢自秘。爰爲採擇師傳。謹述補於問答。則中義泄未備下。似註非註。似批非批。上以求印於悟元子。下以請證於得讀是書。

者書垂成。恍惚感至。悟元長者爲易一答。諭非原本。易自從
學某手。余述云云。均沐印證。可易是書爲某子修真辯難參
證。語畢遂隱。燈光黯然。乃坐夢耳。旣覺。香氣猶存。而非蘭非
麝。爰立註於原答之下。不敢爲眞。亦不敢爲幻。三才本一氣。
萬古本同心。余卽悟元子。悟元子卽余。又何異焉。書成。爰并
識諸序。以告鮑生。鮑生閱是書。慎毋勿如昔揣是書。乃吾宗
之至寶。當如東漢魏氏書讀之。若得三易註略各種。幸卽示
我。道光九年春二月吳興後學金蓋山人閔一得謹序

原序

金城唐介亭先生來武昌。見示璞素老人所著道德會要諸書。並畱存觀中。以爲有志修真者法。中有前後辯難一書。衲反覆熟讀。悅其前辯言簡義該。意在學者先識正途。不致惑於淫辭邪說。誤入外道旁門。以害性命大事。是故言愈淺近。則道愈顯明。雖略讀書。粗識字義者。亦可尋踪而入。由淺及深。最爲初學切要之書。慈悲之德。不綦大歟。然踪其所著各書。卷帙浩繁。重刊不易。明經秦瑤圃先生。乃雅意捐資。先刻辯難全編。餘俟仁人君子。有發願飲助者。續成此舉。以廣流

悟元子自序

易曰。一陰一陽之爲道。又曰。窮理盡性。以致於命。夫理卽道也。道卽理也。陰陽之道。卽性命之道。此理此道。位天地而育萬物。其大無外。其小無內。先天而天勿違。後天而奉天時。最幽最深。至精至微。知之者。成聖成仙成佛。迷之者。爲人爲物爲鬼。然不得師訣。千譬百喻。以有形無。以實形虛。或露枝條。或泄根底。甚難窮究。加之後世旁門曲徑。穿鑿聖道。紊亂仙經。各說其說。各是其是。認真經書之喻言。埋沒古人之本意。或流而爲閨丹。或誤而爲爐火。或執其色身。或著於空寂。邪

說淫辭。流行宇內。卽有一二志士。滿眼針刺。兩耳梆鈴。聰明無施。主意不定。一入網中。終身難出。此予辯難所由作也。辨何難。辯其似是而非。似真而假之難。辯其古人託言隱語。指象畫形之難。其中天道聖功。性命源流。藥火是非。無不一一分晰。書成之後。又恐頭緒渙散。語句冗繁。閱者不能會通。一貫。故外著二十六條。名曰修真後辯。撮其大要。分出題目。言淺意顯。文簡理明。去譬喻而就實義。削枝條而拔根蒂。庶乎同道者見之。一目了然。於陰陽性命之理。可以極深研幾。深造自得。而無難矣。吁。予豈好辯哉。予不得已也。時嘉慶三年。

歲次戊午三月三日棲雲山樸素散人悟元子劉一明自序
于自在窩中

本書之目的

本書之目的，在於使讀者對於本書之內容，能有正確之認識，並能根據本書之內容，而對於本書之內容，能有正確之認識。

悟元子自著後序

莊子謂大道不稱。大辯不言。蓋以道本無名。有何可稱。道本無形。有何可言。稱且不可。言且不可。更何可辯。然世有稱道者。有言道者。一自有稱。則是非混雜。而道不真矣。一自有言。則邪正相爭。而道有假矣。稱道不真。言道有假。不是稱道。反是謗道。不是言道。反是埋道。謗道埋道。塞修真之門。阻行道之路。爲害最大。此予不得不強辯。以破其稱之不真。不得不細辯。以闢其言之有假。辯不真之稱。則不可稱之道。學者可不難於漸悟。辯有假之言。則不可言之道。學者可不難於默。

會。難悟者。能使自悟。難會者。能使自會。此前後辯之存心也。雖然。既有辯矣。謂之無言可乎。既有言矣。謂之無稱可乎。既有稱矣。既有言矣。猶辯不真之稱。有假之言可乎。人亦稱矣。我亦稱矣。人亦言矣。我亦言矣。焉知人之稱者真乎。我之稱者不真乎。焉知我之稱者真乎。人之稱者不真乎。焉知人之言者假乎。我之言者不假乎。焉知我之言者假乎。人之言者不假乎。誰真誰不真。誰假誰不假。是不在稱道。不在言道者。見而自知之。吾烏乎辯乎。悟元子再序。